

2
PETRI CANISII
SOCIETATIS JESU
THEOLOGI
PARVUS
CATECHISMUS
CATHOLICORUM
LATINE.



L O N D I N I,
Typis Henrici Hills, Sacræ Regiæ
Majestati pro Familiâ & Sacello
suo Typographi, pro se & Matthæo
Turner, 1687.

41 1961 7 2

X

PARVUS
CATECHISMUS
CATHOLICORUM
Latiné.

CAPUT I.

De Fide, & Symbolo
Fidei.

Quis dicendus est Christianus atque Catholicus?

Qui Baptismatis Sacramento initiatus, JESU CHRISTI, veri Dei, atque hominis, salutarem doctrinam in ejus Ecclesia profitetur: neque seclis vel opinionibus ullis ab Ecclesia Catholica alienis adhæret.

Quibus de rebus primum docendi sunt Christiani?

De Fide, Spe, Charitate, Sacra-
mentis,

mentis, & officiis Justitiæ Christi-
anæ.

Quid est Fides?

Donum Dei, ac lumen, quo illustratus homo firmiter assentitur omnibus quæ Deus revelavit, & nobis per Ecclesiam credenda proposuit, siue scripta illa sint, siue non sint.

Quæ est summa Fidei, seu omnium Credendorum?

Symbolum Apostolorum, in duodecim distinctum articulos.

Qui sunt illi duodecim articuli?

Hi videlicet.

1. Credo in Deum Patrem omnipotentem, creatorem cœli & terræ.

2. Et in JESUM CHRISTUM Filium ejus unicum Dominum nostrum.

3. Qui conceptus est de Spiritu sancto, natus ex MARIA Virgine.

4. Passus sub Pontio Pilato, crucifixus, mortuus & sepultus.

5. Descendit ad inferos, tertiâ die resurrexit à mortuis.

6. Ascendit ad cœlos, sedet ad dexteram Dei Patris omnipotentis.

7. Inde

7. Inde venturus est judicare vivos & mortuos.

8. Credo in Spiritum sanctum.

9. Sanctam Ecclesiam Catholicam, Sanctorum communionem.

10. Remissionem peccatorum.

11. Carnis resurrectionem.

12. Et vitam æternam. Amen.

Quid est Ecclesia?

Est omnium Christi fidem atque doctrinam profitentium congregatio, quæ sub uno & summo post Christum Capite & Pastore in terris gubernatur.

CAPUT. II.

De Spe, & Oratione Dominica.

Quid est Spes?

Virtus est divinitus infusa, per quam certa cum fiducia, nostræ salutis & æternæ viæ bona expectantur.

Unde modum rectè sperandi & petendi discimus?

Ex oratione Dominica, quam Christus ipse Dominus & Magister

noster, ore suo sacrosancto tradidit
& præscripsit.

Recita per partes Orationem Dominicam.

Pater noster qui es in Cœlis.

1. Sanctificetur nomen tuum.

2. Adveniat regnum tuum.

3. Fiat voluntas tua sicut in cœlo
& in terra.

4. Panem nostrum quotidianum
da nobis hodie.

5. Et dimitte nobis debita nostra,
sicut & nos dimittimus debitoribus
nostris.

6. Et ne nos inducas in tentationem.

7. Sed libera nos à malo. Amen.

*Quomodo Salutationem Angelicam
recitas Virgini Matri?*

Ave MARIA gratiâ plena, Dominus tecum, benedicta tu in mulieribus, & benedictus fructus ventris tui JESUS Sancta MARIA Mater Dei, ora pro nobis peccatoribus, nunc & in hora mortis nostræ. Amen.

Unde hic modus Deiparam Virginem salutandi profluxit?

Primum ab exemplo Angeli Gabrielis,

hrielis, & sanctæ Elisabethæ : deinde ex usu ipso & consensu Ecclesiæ Catholicæ..

C A P U T. III.

De Charitate & Decalogo.

Quid est Charitas?

INfusa à Deo virtus, quâ Deus propter se diligitur, proximus autem propter Deum.

Quot sunt Charitatis præcepta?

Duo principalia:

1. Diliges Dominum Deum tuum ex toto corde tuo, ex tota anima tua, ex tota mente tua, & ex totis viribus tuis : hoc est primum & maximum mandatum.

2. Secundum verò simile huic: Diliges proximum tuum sicut teipsum. In his præceptis universa Lex pendet & Prophetæ.

Quot sunt præcepta Decalogi?

Decem.

1. Ego sum Dominus Deus tuus : Non habebis Deos alienos coram me : Non facies tibi sculptile, ut adores illud. A 5 2. Non

2. Non assumes nomen Domini Dei tui in vanum. Non enim infontem habebit Dominus eum, qui assumpserit nomen Domini Dei tui frustra.

3. Memento ut diem Sabbati sanctifices.

4. Honora Patrem tuum & Matrem tuam, ut sis longævus super terram, quam Dominus Deus tuus dabit tibi.

5. Non occides.

6. Non Moechaberis.

7. Non furtum facies.

8. Non loqueris contra proximum tuum falsum testimonium.

9. Non concupisces uxorem proximi tui.

10. Non domum, non agrum, non servum, non ancillam, non bovem, non asinum, & universa quæ illius sunt.

Quæ est summa praeceptorum de proximo diligendo?

Hæc ipsa nimirum:

1. Quod tibi non vis fieri, alteri ne feceris.

2. Omnia verò quæcunque vultis ut faciant vobis homines, & vos facite illis.

illis. Hæc est enim Lex, & Prophetæ.

Quæ sunt Præcepta Ecclesiæ?

Præcipua quinque numerantur:

1. Statutos Ecclesiæ festos dies celebrato.

2. Sacrum Missæ officium diebus festis reverenter audito.

3. Indicta certis diebus jejunia; & à quibusdam cibis abstinentiam observato.

4. Peccata tua Sacerdoti proprio, aut alteri cum ejus facultate, singulis annis confitetur.

5. Sacrosanctam Eucharistiam ut minimum semel in anno, idque circa Festum Paschæ, sumito.

C A P U T IV.

DE SACRAMENTIS.

Quid est Sacramentum?

Est invisibilis gratiæ signum visibile, ad nostram sanctificationem divinitus institutum.

Quæ sunt Sacramenta?

Septem, quæ à Christo Domino instituta, ab Apostolis tradita, & in.

in Ecclesia Catholica semper conservata, ad nos usque pervenērunt. Sunt autem hæc: Baptismus, Confirmatio, Eucharistia, Pœnitentia, Extrema Unctio, Ordo, Matrimonium.

Quid est Baptismus?

Primum maximèqu necessarium Legis novæ Sacramentum, quod semel in aqua confertur, quo spiritualiter renascimur, & peccatorum plenâ remissione perceptâ, in filios Dei adoptamur, hæredesque vitæ coelestis adscribimur.

Quid est Confirmatio?

Est Baptizatis collatum ab Episcopo Sacramentum, in quo per sanctum Chrisma, & verba sacrosancta, confertur gratia, & robur spiritus additur, tum ad firmiter credendum, tum ad nomen Domini, quando sic est opus, liberè confitendum.

Quid est Eucharistia?

Hic Sacramentum, quo verum Christi Corpus atque Sanguis sub singulis speciebus panis & vini continetur, nobis ut offeratur, adoretur, atque sumatur relictum.

Quid est Pœnitentia?

Est

Est secunda post naufragium tabula, & necessarium relapsis Sacramentum, in quo remissio peccatorum & à reis petitur, & à Sacerdotibus tribuitur.

Quot sunt partes & actiones Pœnitentiæ?

Tres: Contritio, vel dolor animi peccata sua derelictantis, & ad vitam meliorem aspirantis: Confessio, seu peccatorum suorum coram Sacerdote facta explicatio. & satisfactio denique, seu vindicta punitioque criminum de seipso sumpta, ad præstandos fructus dignos pœnitentiæ.

Quid est Extrema Unctio?

Est Sacramentum, quo ægroti, per oleum sacrum & verba Christi, in magnis morbi molestiis relevantur, ut felicius ex hoc mundo demigrent; & corpora etiam, si ita expedit, sanitati restituantur.

Quid est Ordo?

Est Sacramentum quo Sacerdotibus aliisque Ministris Ecclesiæ potestas confertur ad Ecclesiastica munia ritè decenterque obeunda.

Quid est Matrimonium?

Sacramentum, quo vir & mulier legi-

legitimè contrahentes, individuum
vitæ societatem ineunt, gratiâque
divinâ donantur, tum ut soboles ho-
nestè & Christianè suscipiatur ac
educetur, tum ut foedæ libidinis &
incontinentiæ peccatum evitetur.

C A P U T V.

De Officiis Justitiæ Christianæ.

Quot sunt officia Justitiæ Christianæ?

HÆc duo: declinâ malò, sive
peccato; & fac bonum, sive
officium Justitiæ.

Quotuplex est peccatum?

Duplex: originale, & actuale.

Quid est originale?

Quod ab ortu nobis congenitum
per Baptismum in Christo condona-
tur.

Quid est actuale?

Dictum, factum, vel concupi-
tum contra vel præter Legem Dei
aut Ecclesiæ.

Quotuplex est actuale?

Duplex: Mortale, sic dictum, quia
mortem animæ præsentem adfert.

Anima

Anima enim quæ peccaverit, ipsa morietur. Et veniale, ut cui venia facile tribuitur, & sine quo ne iusti quidem vivant.

Quibus gradibus ad peccatum deducimur?

His tribus: suggestione, delectatione, consensu seu deliberata voluntate peccandi.

Qui sunt supremi gradus peccantium?

Eorum qui scientes ac prudentes ex mera peccant malitia, qui etiam de peccato ipso gloriantur, & qui benè monentibus obstrepunt, ac salutaria consilia prorsus contemnunt.

Quare peccatum fugiendum?

Quia Dominum Deum offendit, summum bonum eripit, & summum adfert malum peccanti, dum divinam tollit fruitionem, nunquam recuperandam, & poenas ærumnasque homini accersit sempiternas.

Quæ dicuntur peccata capitalia?

Illæ, ex quibus, veluti capitibus & fontibus, omnia alia peccata profleiscuntur.

Quot sunt peccata capitalia?

Sep-

Septem : Superbia, Avaritia, Luxuria, Invidia, Gula, Ira, Acedia.

Quæ virtutes peccatis capitalibus adversantur?

Hæ septem: Humilitas, Largitas: Castitas, Benignitas. Temperantia, Patientia, Devotio, seu sedula Pietas.

Quæ peccata dicuntur aliena.

Ea quæ ab aliis quidem committuntur, sed nobis interim auctoribus, vel quoquo modo adiutoribus, aut saltem non impredientibus, ut idcirco nobis etiam imputentur.

Quot modis aliena peccata nobis imputantur?

Novem his modis: consilio, iussione, consensu, irritatione, laudatione, seu adulatione, reticentiâ culpæ alienæ, conniventiâ vel indulgentiâ, rei alienæ participatione, & pravâ facti alieni defensione.

Estne satis Christiano, malum fugere, & à peccato declinare?

Nequaquam: sed præterea bonum agere, & virtutes exercere necesse est, Alioquin scienti bonum & non facienti peccatum est illi.

Quo-

Quotuplicia sunt præcipua bonorum operum genera?

Triplicia, utpotè Jejunium, Eleëmofyna seu Misericordia, & Oratio, de quibus ita legimus, Bona est Oratio cum Jejunio & Eleëmofyna:

Quid est Jejunium?

Est certis diebus, juxta morem & præscriptum Ecclesiæ, carnibus abstinere, & saltem unicâ cibi refectione in die contentum vivere frugalius.

Quid est Oratio?

Est mentis in Deum elevatio, per quam vel mala deprecamur, vel bona nobis aliisque petimus, vel Deo benedicimus.

Quid est Eleëmofyna seu Misericordia?

Est beneficium, quo alterius miseriæ ex commiserationis affectu subvenimus.

Quot sunt opera Misericordiæ corporalia?

Septem: Esurientes pascere, potum dare sitientibus, operire nudos, captivos redimere, ægrotos curare, hospitio peregrinos suscipere, mortuos sepelire,

Quot

Quot sunt opera Misericordiae spiritualis?

Sunt & ipsa septem : uti peccantes corrigere, ignorantes docere, dubitantibus rectè consulere, pro salute proximi Deum orare, consolari mortuos, ferre patienter injurias, offensam remittere.

Quot sunt virtutes Cardinales?

Quatuor : Prudentia, Justitia, Temperantia, Fortitudo.

Quae dicuntur dona Spiritus sancti?

Septem illa quae super Christum requievissent Propheta testatur, & quae ab ipso, seu fonte omnis gratiae, in alios derivantur : ut donum Sapientiae, donum Intellectus, Consilii, Scientiae, Fortitudinis, Pietatis, ac Timoris Domini.

Qui sunt fructus Sancti Spiritus?

A Paulo Apostolo sic numerantur : Charitas, Gaudium, Pax, Patientia, Longanimitas, Bonitas, Benignitas, Mansuetudo, Fides, Modestia, Continentia, Castitas.

Quot sunt Evangelicae Beatitudines?

Octo, quas ita Christus in monte tradidit.

1. Beati pauperes spiritu, quoniam

niam ipsorum est regnum coelorum.

2. Beati mites, quoniam ipsi possidebunt terram.

3. Beati qui lugent, quoniam ipsi consolabuntur.

4. Beati qui esuriunt & sitiunt iustitiam, quoniam ipsi saturabuntur.

5. Beati misericordes, quoniam ipsi misericordiam consequentur.

6. Beati mundo corde, quoniam ipsi Deum videbunt.

7. Beati pacifici, quoniam filii Dei vocabuntur.

8. Beati qui persecutionem patiuntur propter iustitiam, quoniam ipsorum est regnum coelorum.

Quot sunt Evangelica consilia?

Principalia tria sunt: nimirum, Paupertas voluntaria, Castitas perpetua, & Obedientia integra, quæ propter Deum homini religiose exhibetur.

Quæ hominis novissima dicuntur?

Ea quæ homini ad extremum accidunt: ut Mors, Judicium, Infernus, & Cœlestis gloria, de quibus ita docet sapiens: In omnibus operibus tuis memorare novissima tua, & in æternum non peccabis.

F I N I S.

MODUS INSERVIENDI
S A C R O.

Sacerdos.

IN nomine Patris, & Filii, &
Spiritus sancti, *Amen.*

Introibo ad altare Dei.

Min. Ad Deum qui lætificat ju-
ventutem meam.

Sac. Judica me Deus, & discerne
causam meam de gente non sancta:
ab homine iniquo & doloso erue me.

Min. Quia tu es Deus fortitudo
mea: quare me repulisti? & quare
tristis incedo, dum affligit me ini-
micus?

Sac. Emitte lucem tuam, & veri-
tatem tuam: ipsa me deduxerunt,
& adduxerunt in montem sanctum
tuum, & in Tabernacula tua.

Min. Et introibo ad Altare Dei:
ad Deum qui lætificat juventutem
meam.

Sac. Confitebor tibi in cithara
Deus, Deus meus: quare tristis es
anima

anima mea , & quare conturbas
me ?

Min. Spera in Deo, quoniam adhuc confitebor illi , salutare vultus mei & Deus meus.

Sac. Gloria Patri, & Filio, & Spiritui sancto.

Min. Sicut erat in principio, & nunc, & semper, & in sæcula sæculorum. *Amen.*

Sac. Et introibo ad Altare Dei.

Min. Ad Deum qui lætificat juventutem meam.

Sac. Adjutorium nostrum in nomine Domini.

Min. Qui fecit Coelum & Terram.

Sac. Confiteor Deo omnipotenti, Beatæ Mariæ, &c. Ideo precor, &c.

Min. Misereatur tui omnipotens Deus, & dimissis omnibus peccatis tuis, perducatur te ad vitam æternam.

Sac. Amen.

Min. Confiteor Deo omnipotenti, Beatæ Mariæ semper Virgini, Beato Michaëli Archangelo, Beato Joanni Baptistæ, sanctis Apostolis Petro & Paulo, omnibus Sanctis,
&

18 *Modus Inserv. Sacro.*

& tibi Pater, quia peccavi nimis cogitatione, verbo & opere: mea culpa, mea culpa, mea maxima culpa.

Ideò precor Beatam Mariam semper Virginem, Beatum Michaëlem Archangelum, Beatum Joannem Baptistam, sanctos Apostolos Petrum & Paulum, omnes Sanctos, & te, Pater, orare pro me ad Dominum Deum nostrum.

Sac. Misereatur vestri omnipotens Deus, &c.

Min. Amen.

Sac. Deus tu conversus vivificabis nos.

Min. Et plebs tua lætabitur in te.

Sac. Ostende nobis Domine misericordiam tuam.

Min. Et salutare tuum da nobis.

Sac. Domine exaudi orationem meam.

Min. Et clamor meus ad te veniat.

Sac. Dominus vobiscum.

Min. Et cum spiritu tuo.

Sac. Oremus, Aufer à nobis quæsumus, &c.

Antè Epistolam.

imis

mea

kima

sem-

elem

nem

Pe-

tos,

omi-

tens

vifi-

te.

mi-

bis.

aem

ancti

ve-

quz-

Ani

Sac. Kyrie eleison.

Min. Kyrie eleison.

Sac. Kyrie eleison.

Min. Christe eleison.

Sac. Christe eleison.

Min. Christe eleison.

Sac. Kyrie eleison.

Min. Kyrie eleison.

Sac. Kyrie eleison.

Sac. Dominus vobiscum:

Min. Et cum spiritu tuo.

Sac. Per omnia sæcula sæculorum.

Min. Amen.

*In fine Epistolæ respondendum est
altâ voce.*

Min. Deo gratias.

Ad Evangelium.

Sac. Dominus vobiscum.

Min. Et cum spiritu tuo.

Sac. Sequentia (vel Initium)

sancti Evangelii secundum Matthæ-

um, Joannem, &c.

Min. Gloria tibi Domine.

*In fine Evangelii respondendum est
altâ voce.*

Min. Laus tibi Christe.

Post Evangelium.

Sac. Dominus vobiscum.

Min.

20 *Modus Inserv. Sacro.*

Min. Et cum spiritu tuo.

• *Respondendum est quod sequitur, quando
Sacerdos dicit,*

Orate Fratres.

Min. Suscipiat Dominus Sacrificium de manibus tuis, ad laudem & gloriam nominis sui, ad utilitatem quoque nostram, totiusque Ecclesie sue sanctae.

Sac. Per omnia saecula saeculorum.

Min. Amen.

Sac. Dominus vobiscum.

Min. Et cum spiritu tuo.

Sac. Sursum corda.

Min. Habemus ad Dominum.

Sac. Gratias agamus Domino Deo nostro.

Min. Dignum & justum est.

*Ad corporis Domini elevationem pul-
sanda est campana, similiter & ad
Sanguinis Domini elevationem. Post
Elevationem.*

Sac. Per omnia saecula saeculo-
rum.

Min. Amen.

Sac. Et ne nos inducas in tenta-
tionem

Min.

Modus Inserv. Sacro. 21.

Min. Sed libera nos à malo.

Sac. Per omnia sæcula sæculorum.

Min. Amen.

Sac. Pax Domini sit semper vobiscum.

Min. Et cum spiritu tuo.

Post Eucharistia sumptionem.

Sac. Dominus vobiscum.

Min. Et cum spiritu tuo.

Sac. Per omnia sæcula sæculorum.

Min. Amen.

Sac. Dominus vobiscum.

Min. Et cum spiritu tuo.

Sac. Ite, Missa est.

Min. Deo gratias.

Sac. Benedicat vos omnipotens Deus Pater, & Filius, & Spiritus sanctus.

Min. Amen.

Sac. Dominus vobiscum.

Min. Et cum spiritu tuo.

Sac. Initium sancti Evangelii secundum Joannem.

Min. Gloria tibi Domine.

*In fine Evangelii respondendum est,
Deo Gratias.*

B

EXER.

EXERCITIUM QUOTIDIANUM.

*Cum mane surgis, muniens te signo
sanctæ Crucis, dic,*

IN nomine Patris, & Filii, &
Spiritus sancti.

*Deinde iunctis manibus ante pectus
dic, Amen.*

Benedicta sit sancta & individua
Trinitas, nunc, & semper, &
per infinita sæcula sæculorum, *Amen.*

1. Domine Deus, ago tibi gratias,
quod hâc nocte me conservaveris.
Pater noster. Ave Maria.

2. Domine, precor te, ut me hoc
die ab omni peccato præserves.
Pater noster. Ave Maria.

3. Domine, offero tibi omnes
actiones meas, rogas, ut eas ad
nominis tui gloriam dirigas. Pater
noster. Ave Maria.

Oratio

Oratio.

Domine Deus omnipotens, qui ad principium hujus diei nos pervenire fecisti, tua nos hodie salva virtute: ut in hac die ad nullum declinemus peccatum, sed semper ad tuam justitiam faciendam nostra procedant eloquia, dirigantur cogitationes & opera. Per Christum Dominum nostrum. *Amen.*

Commendatio ad B. Virginem Mariam.

O Domina mea, sancta MARIA, me in tuam benedictam fidem, ac singularem custodiam, & in sinum misericordiae tuae, hodie, & quotidie, & in hora exitus mei, animam meam, & corpus meum tibi commendo: omnem spem meam & consolationem meam, omnes angustias & misérias meas, vitam, & hanc vitam meam tibi committo: ut per tuam sanctissimam intercessionem, & per tua merita, omnia mea dirigantur & disponantur opera secundum tuam, cuiusque filii voluntatem. *Amen.*

Ad Angelum Custodem.

A Ngele Dei qui custos es mei,
me tibi commissum pietate
superna, hodie illumina, custodi,
rege & gubernare.

Benedictio.

D Ominus nos benedicat, & ab
omni malo defendat, & ad
vitam perducatur æternam: & fideli-
um animæ per misericordiam Dei
requiescant in pace. *Amen.*

*Cum manè, meridie & vesperi Salu-
tationis Angelicæ signum datur.*

A ngelus Domini nuntiavit Ma-
riæ, & concepit de Spiritu
sancto. Ave Maria, &c.

Ecce Ancilla Domini, fiat mihi
secundum verbum tuum. Ave Ma-
ria, &c.

Et verbum caro factum est, & ha-
bitavit in nobis. Ave Maria, &c.

Oratio.

G Ratiam tuam, quæsumus Do-
mine, mentibus nostris in-
funde: ut qui Angelo nuntiante,
Christi Filii tui incarnationem cog-
novimus, per passionem ejus & cru-
cem ad resurrectionis gloriam per-
ducamur. Per eundem Christum

Da-

Dominum nostrum. *Amen.*

Fidelium animæ per misericordiam Dei requiescant in pace. *Amen.*

Antè inchoationem Officii. Oratio.

Actiones nostras quæsumus Domine, aspirando præveni, & adjuvando prosequere : ut cuncta nostra oratio & operatio à te semper incipiat, & per te cœpta finiatur. Per Christum Dominum nostrum. *Amen.*

Post Officium. Oratio.

Suscipe, clementissime Deus, precibus & meritis Beatæ MARIÆ semper Virginis, & omnium Sanctorum & Sanctarum officium servitutis nostræ, & si quid dignum laude egimus, propitius respice, & quod negligenter actum est, clementer ignosce, Qui in Trinitate perfecta vivis & regnas Deus, per omnia sæcula sæculorum. *Amen.*

Exeundo Domum, dic,

Vias tuas, Domine demonstra mihi, & semitas tuas edoce me. Gressus meos dirige secundum eloquium tuum, ut non dominetur mei omnis injustitia. Perfice gressus meos in semitis tuis : ut non moveantur vestigia mea.

B 3 *cum*

cum audis signum horæ.

MARIA Mater gratiæ, Mater misericordiæ, tu nos ab hoste protege, & horâ mortis suscipe.

Omnipotens faustam donet mortalibus horam.

Nos cum Prole pia benedicat Virgo MARIA. *Amen.*

Intrando Ecclesiam.

Domine, in multitudine misericordiæ tuæ introibo in Domum tuam, adorabo ad Templum sanctum tuum, & confitebor nomini tuo.

In aspersione Aquæ benedictæ.

ASperges me Domine hyssopo, & mundabor: lavabis me, & super nivem dealbabor.

Ad sacrosanctum Eucharistiæ sacramentum. Oratio.

AVe verum Corpus natum de MARIA Virgine: vere passum, immolatum in Cruce pro homine:

Cujus latus perforatum, unda fluxit sanguine:

Esto nobis prægustatum mortis in examine.

O dulcis! ô pie! ô JESU Fili MARIE,

MARIÆ, miserere mei. *Amen.*

Benedictio mensæ.

Benedicite. *Resp.* Benedicito.

Oratio.

Benedic, Domine, nos, & hæc
tua dona, quæ de tua largitate
sumus sumpturi. Per Christum Do-
minum nostrum.

Resp. Amen. Pater noster. *Ec.*

Vers. Et ne nos, *Ec.*

Resp. Sed libera, *Ec.*

Gratiarum actio post mensam.

Benedicamus Domino.

Resp. Deo gratias.

Oratio.

Agimus tibi gratias omnipotens
Deus, pro universis beneficiis
tuis. Qui vivis & regnas in sæcula
seculorum.

Resp. Amen. Kyrie eleison ;
Christe eleison, Kyrie eleison.
Pater noster, *Secretid.*

Vers. Et ne nos inducas in tenta-
tionem.

Resp. Sed libera nos à malo.

Vers. Sit nomen Domini bene-
dictum.

Resp. Ex hoc nunc & usque in sæ-
culum.

Oremus.

R Etribuere dignare, Domine, omnibus nobis bona facientibus propter nomen tuum, vitam æternam.

Resp. Amen.

Beata viscera MARIÆ Virginis, quæ portaverunt æterni Patris Filium.

Vers. Et fidelium animæ per misericordiam Dei requiescant in pace.

Resp. Amen.

Psalmus 129.

D E profundis clamavi ad te Domine, Domine exaudi vocem meam.

Fiant aures tuæ intendentes in vocem deprecationis meæ.

Si iniquitates observaveris Domine, Domine quis sustinebit?

Quia apud te propitiatio est, & propter legem tuam sustinui te Domine.

Sustinuit anima mea in verbo ejus: speravit anima mea in Domino.

Ac custodia matutina usque ad noctem, speret Israël in Domino.

Quia apud Dominum misericordia, & copiosa apud eum redemptio.

Et

Et ipse redimet Israël ex omnibus iniquitatibus ejus.

Requiem æternam dona eis Domine, & lux perpetua luceat eis.

Cum vadis dormitum, muniens te signo sanctæ Crucis, dic,

In nomine Patris, & Filii, & Spiritûs sancti.

Deinde, junctis manibus ante pectus, dic, Amen.

Benedicta sit sancta & individua Trinitas, nunc, & semper, & per infinita sæcula sæculorum, *Amen.*

Pater noster, &c. Ave Maria, &c. Credo, &c. Confiteor, &c. *ut supra in modo inserviendi Sacro.*

1. Domine Deus gratias ago tibi, quod hoc die me conservaveris.

2. Domine, precor des mihi gratiam ut cognoscam peccata hoc die à me commissa.

3. *Hic poterit fieri breve examen conscientie pro capiti cujusque.*

4. Domine, obsecro ut peccata omnia hoc die commissa ignoscas.

5. Domine, rogo ut hac nocte me ab omnibus Dæmonis insidiis custodias.

Oratio.

Visita, quæsumus Domine, habitationem istam, & omnes insidias inimici ab ea longè repelle: Angeli tui sancti habitent in ea, qui nos in pace custodiant, & Benedictio tua sit super nos semper. Per Christum Dominum nostrum. *Amen.*

Salva nos, Domine vigilantes, custodi nos dormientes, ut vigilemus cum Christo, ut requiescamus in pace.

A N T I P H O N Æ

Ad Beatam Virginem Mariam.

A Dominica Adventûs usque ad Purificationem inclusive.

Alma Redemptoris Mater, quæ
pervia coeli
Porta manens, & stella maris, succurre cadenti,
Surgere qui curat, populo, tu quæ genuisti,
Naturâ mirante, tuum sanctum Genitorem,
Virgo prius, ac posteriùs, Gabriëlis ab ore
Sumens illud ave peccatorum misere.
In

In Adventu.

Vers. Angelus Domini nuntiavit
MARIAE.

Resp. Et concepit de Spiritu
sancto.

Oremus. Oratio.

Gratiam tuam, quæsumus Do-
mine, mentibus nostris in-
funde: ut qui, Angelo nuntiante,
Christi Filii tui incarnationem cog-
novimus, per passionem ejus & cru-
cem ad resurrectionis gloriam per-
ducamur. Per eundem Christum
Dominum nostrum.

Resp. Amen.

Post Nativitatem.

Vers. Post partum virgo inviolata
permanisti.

Resp. Dei genitrix intercede pro
nobis.

Oremus. Oratio.

Deus, qui salutis æternæ beatæ
MARIAE virginitate foecun-
da humano generi præmia præsti-
tisti, tribue quæsumus, ut ipsam pro
nobis intercedere sentiamus, per
quam meruimus auctorem vitæ sus-
cipere, Dominum nostrum Jesum
Christum Filium tuum. *Resp.* Amen.

A

*A Purificatione usque ad Feriam quintam in cena Domini exclusivè,
Antiphona.*

Ave Regina coelorum,
Ave Domina Angelorum,
Salve radix, salve porta,
Ex qua mundo lux est orta :
Gaude virgo gloriosa,
Super omnes speciosa :
Vale & valdè decora.

Et pro nobis Christum exora.

Vers. Dignare me laudare te Virgo sacra.

Resp. Da mihi virtutem contra hostes tuos.

Oremus. *Oratio.*

Concede, misericors Deus, fragilitati nostræ præsidium: ut qui sanctæ Dei genitricis memoriam agimus, intercessionis ejus auxilio à nostris iniquitatibus resurgamus. Per eundem Christum, &c.

Tempore Paschali usque ad Octavam Pentecostes exclusivè, Antiphona.

Regina coeli lætare, alleluia.
Quia quem meruisti portare,
alleluia,
Resurrexit sicut dixit, alleluia.
Ora pro nobis Deum, alleluia,

Vers.

Vers. Gaude & lætare Virgo
MARIA, alleluia.

Resp. Quia surrexit Dominus ve-
rè, alleluia.

Oremus. *Oratio.*

DEus, qui per resurrectionem
Filii tui Domini nostri Jesu
Christi familiam tuam lætificare dig-
natus es. Præsta quæsumus, ut
per ejus Genitricem Virginem Ma-
riam perpetuæ capiamus gaudia
vitæ. Per eundem Christum Do-
minum nostrum, &c.

*Ab Octava Pentecostes usque ad Ad-
ventum exclusivè.*

Antiphona.

SAlve Regina, Mater misericor-
diæ, Vita, Dulcedo, & Spes
nostra, salve. Ad te clamamus
exules filii Evæ. Ad te suspira-
mus gementes & flentes in hâc la-
chrymarum valle. Eia ergo advo-
cata nostra, illos tuos misericordes
oculos ad nos converte. Et JE-
SUM benedictum fructum ventris
tui, nobis post hoc exilium osten-
de.

de. O clemens, ô pia, ô dulcis
Virgo MARIA.

Vers. Ora pro nobis sancta Dei
Genitrix.

Resp. Ut digni efficiamur promif-
sionibus Christi.

Oremus.

Oratio.

OMnipotens sempiterne Deus,
qui gloriosæ Virginis Matris
MARIAE corpus & animam, ut dig-
num Filii tui habitaculum effici me-
reretur, Spiritu sancto coöperante
præparasti: da, ut cujus commemo-
ratione lætamur, ejus piâ inter-
cessionem ab instantibus malis, & à
morte perpetua liberemur. Pere-
undem Christum Dominum no-
strum. *Amen.*

Ad Angelum Custodem.

ANgele Dei, qui Custos es mei,
me tibi commissum pietate su-
perna, hâc nocte illumina, custodi,
rege & gubernâ.

Bene-

Benedictio.

Benedicat & custodiat nos omnipotens & misericors Dominus, Pater, & Filius, & Spiritus sanctus. *Amen.*

ORATIONES

IN

SCHOLA QUOTIDIE

Ante Lectionem dicendæ.

DIE DOMINICO.

Ad Deum Patrem.

In nomine Patris, & Filii, & Spiritus sancti, *Amen.*

Benedictus sit Deus Pater, unigenitusque Dei filius, sanctus quoque Spiritus, quia fecit nobiscum misericordiam suam.

Clementissime Pater, infunde nobis, per meritum Christi Filii tui, Spiritus sancti gratiam, quâ intellectus noster liberalibus disci-

disciplinis plenius illustretur, quas in divinum tuum honorem aliquando, & Spiritualem nostram utilitatem convertere possimus: Qui vivis & regnas Deus per omnia sæcula sæculorum. *Amen.*

DIE LUNÆ.

Ad Filium.

In nomine Patris, & Filii, & Spiritus sancti, *Amen.*

O Sapientia, quæ ex ore Altissimi prodisti, attingens à finē usque ad finem, fortiter suaviterque omnia disponens, veni ad docendum nos viam prudentiæ.

Verbum Patris æternum, & sapientiæ fons effusissime, Domine Jesu Christe, docilitatem mentibus nostris, & intelligentiæ lumen infunde, ut feliciter nobis cedant hæc litterarum studia, quibus adjuti, ad clariorem tui agnitionem æternæ veritatis, & perfectum amorem bonitatis tuæ pervenire possimus. Qui vivis & regnas Deus in sæcula sæculorum. *Amen.*

DIE

DIE MARTIS.

Ad Spiritum sanctum.

In nomine Patris, & Filii, & Spiritus sancti, *Amen.*

Veni sancte Spiritus, reple tuorum corda fidelium & tui amoris in eis ignem accende: qui per diversitatem linguarum cunctarum gentes in unitate fidei congregasti.

DEus, cui omne cor patet, & omnis voluntas loquitur, & quem nullum latet secretum: Purifica per infusionem sancti Spiritus cogitationes cordis nostri: ut te perfecte diligere, & dignè laudare, omniaque nostra studia semper ad tuam gloriam referre valeamus. Qui vivis & regnas, &c.

DIE MERCURII.

Ad omnes Sanctos.

In nomine Patris, & Filii, & Spiritus Sancti, *Amen.*

O quam gloriosum est regnum, in quo cum Christo gaudent omnes Sancti, amicti stolis albis sequuntur
Agnus

Agnum quocunque ierit, laudantes Deum, & dicentes: Benedictio, & claritas, & sapientia, & gratiarum actio, honor, virtus, & fortitudo Deo nostro in sæcula sæculorum, *Amen.*

OMnes Sancti tui, quæsumus Domine nos ubique adjuvent: ut, dum eorum merita recolimus, patrociniā sentiamus. Sancta MARIA, & omnes Sancti intercedant pro nobis ad Dominum, ut nos mereamur ab eo in studiis nostris iuvāri & salvāri. Qui vivit & regnat, *Gr.*

DIE JOVIS.

De venerabili Sacramento.

In nomine Patris, & Filii, & Spiritūs sancti, *Amen.*

O sacrum Convivium, in quo Christus sumitur, recolitur memoria passionis ejus, mens impletur gratiā, & futuræ gloriæ nobis pignus datur.

O quàm suavis est Domine Spiritus tuus: qui ut dulcedinem tuam in filios demonstrares Pane suavissimo

fimo de coelo præstato, esurientes
reple bonis, fastidiosos divites di-
mittis inanes.

Tua nos, quæsumus Domine,
gratia semper præveniat &
sequatur: ac studiis nostris, bonis-
que operibus jugiter præstet esse
intentos. Per Christum Dominum
nostrum. *Amen.*

DIE VENERIS.

De Beneficio Redemptionis.

In nomine Patris, & Filii, &
Spiritus Sancti, *Amen.*

Humiliavit semetipsum Dominus
noster Jesus Christus usque ad mor-
tem, mortem autem Crucis: prop-
ter quod & Deus exaltavit illum, &
donavit illi nomen quod est super
omne nomen.

Oremus.

Domine Jesu Christe, qui pro
mundi redemptione, ut qui
in tenebris erat, illuminaretur, mor-
tem in Crucis patibulo sustinuisti;
illam quæsumus, lucem in animas
nostras

nostras corporaque infunde, per quam ad æternam lucem & te veram sapientiam pervenire mereamur. Qui vivis & regnas Deus, &c.

DIE SABBATI.

Ad B. Virginem.

In nomine Patris, & Filii, & Spiritus sancti, *Amen.*

Sub tuum præsidium confugimus sancta Dei Genitrix, nostras deprecationes ne despicias in necessitatibus nostris: sed à periculis cunctis libera nos semper Virgo gloriosa & benedicta Domina nostra, Mediatrix nostra, Advocata nostra, tuo Filio nos reconcilia, tuo Filio nos commenda, tuo nos Filio repræsentata.

OMnipotens sempiterne Deus, qui curam de omnibus in te confidentibus semper habes: Præsta, quæsumus, ut per intercessionem Beatissimæ Virginis **MARIÆ**, Matris unigeniti Filii tui Domini nostri

nostri Jesu Christi, tuam in nostris studiis & omnibus necessitatibus gratiam sentiamus. Per eundem Dominum nostrum Jesum Christum Filium tuum, qui tecum vivit & regnat in unitate Spiritus sancti Deus. Per omnia secula seculorum. *Amen.*

CHRISTO GLORIA.

ORATIO

ORATIO SODALITATIS

In Admissionem à singulis
recitanda.

SANCTA MARIA, Mater Dei &
Virgo, Ego N. te hodie in Do-
minam, Patronam & Advocatam
eligo, firmiterque statuo ac propono me
nunquam dicturum aut facturum ne-
que permissurum, ut à meis subditis
aliquid contra tuum honorem unquam
agatur. Obsecro te igitur, suscipe me
in Servum perpetuum, adfès mibi in
actionibus omnibus meis, nec me deseras
in hora mortis, Amen.

ORATIO

JESUS

J E S U S.

Tetraſtichon de nomine JESU.

*Dulce tuum noſtro ſcribas in
pectore Nomen,
Namque tuo conſtat Nomine
noſtra Salus.*



*Illis triſte nihil cadit unquam
mētis JESUS,
Qui velit uſque tui Nominis
eſſe memor.*



THE
LIBRARY OF THE
MUSEUM OF NATURAL HISTORY
OF THE
CITY OF NEW YORK
AND
THE
ASTENOR LENOX
TILDEN FOUNDATIONS
1000 5th Ave. New York 10001